

嘉業堂
金石叢書

希古樓金石萃編

第三冊

日本書紀卷之六

三

希古樓金石萃編卷六

吳興劉承幹撰

石

漢司徒袁安碑

高六尺廣二尺今在河南偃師

司徒公漢南陽卷南名公擢易蓋丘口
兆兮三季二月庚申召貴麻除郎中四口
十一月庚申除給事謁問五季匹月之口
嚮東漢陰平長十季二月辛巳嚮東平口
兆含十二季十 二月丙辰燔燐殿口

序十七卷八〇 東田發燐河岸五〇
初八卷穴〇內田燐〇燐〇和三五〇
丙子燐司空四卷穴〇〇〇〇燐司徒
貴和呈帝〇〇〇〇〇〇〇〇〇〇〇〇〇〇
〇〇〇〇〇〇〇〇〇〇〇〇〇〇〇〇〇〇〇〇

袁安後漢書有傳碑云授易孟氏傳云祖父良習孟
氏易則安實修家業也碑云永平三年以孝廉除郎
中傳僅云後舉孝廉未言除郎中碑云四年十一月
除給事謁者亦爲傳所缺碑又云五年正月遷東海
陰平長十年二月遷〇城令據傳除陰平長任城令

則碑與傳正合碑云十二年十二月丙辰拜楚郡太守傳云永平十三年楚王英謀爲逆事下郡覆考明年三府舉安能理劇拜楚郡太守碑云十二年而傳云明年是十四年當以碑證傳之誤碑云十七年八月庚申徵拜河南尹案十二年至十七年相距五年而云歲餘徵爲河南尹誤矣碑云元和四年六月己卯拜司徒傳云章和元年代桓虞爲司徒則碑傳異此碑近在河南出土據碑客云偃師鄉中有土地廟近爲人所毀有石供桌色甚古其向下一面卽此碑廟中有建廟時所立之碑云廟建於萬厯時知此碑

出土早在四百餘年之前惟考于奕正天下碑錄已
有其目或於見此碑時尙在其冢前未作野廟供桌
之用耳

松窗金石文跋

漢司空袁敞殘碑

石已殘存高二尺四寸廣二尺

卯年平司社公

月甫子訖河尹尹子

五卯丙戌臨歸中九季

陵歸十季八卯个示

十卯申申擲時中

宋壽校尉征平元

丙戌十月廿五日

丙戌十月廿五日

初二

高莫平西

右殘碑篆書存字十行除首尾二行僅四五字餘存
七八九字不等首行爲字口平司徒公字字尙存殘
畫叔字已不可辨四明馬君叔平衡因字叔平及司
徒公字謂是袁敞碑予案叔平說甚確范史敞傳附
袁安所記事實頗略云敞字叔平少傳易經教授以

父任爲太子舍人和帝時歷位將軍大夫侍中出爲東郡太守徵拜太僕光祿勳元初三年代劉愷爲司空明年坐子與尙書郎張俊交通漏泄省中語策免敞廉勁不阿權貴失鄧氏旨遂自殺又云朝廷薄敞罪而隱其死以三公禮葬之復其官以碑證之碑第二行存月庚子以河南尹子八字卽傳所謂以父任爲太子舍人蓋以安爲河南尹故得官其下所缺爲太子舍人也第三行存五月丙戌除郎中九年九字第四行存侍郎十年八月丁亥八字第五行存十月甲申拜侍中七字第六行存步兵校尉延平元七字

傳稱和帝時歷位將軍大夫侍中而不及郎中侍郎
及步兵校尉碑載拜侍中而不見將軍大夫字當在
碑文殘缺處碑與傳可互考至碑所云之九年十年
乃和帝之永元也傳於敞出爲東郡太守徵拜太僕
光祿勳不記在何時碑文第七行存其十月丁丑拜
東七字東下所缺當是郡太守字第八行存丙戌徵
拜太僕五年八字拜東郡太守在十月丁丑以長術
推之殤帝延平元年十月爲乙巳朔均不能得丁丑
而永初二年十月癸亥朔三年十月丁巳朔並得丁
丑敞之出守東郡當在安帝永初二三年其徵拜太

僕碑敘於五年之前當在三四年可補傳之略至碑文五年以下所缺當爲光祿勳又據傳知之也碑文第九行存初二年十二月庚戌八字戌字雖殘損然尙可辨乃敝代劉愷爲司空之年月初上缺元字庚戌以下缺拜司空等字傳敘敝爲司空在元初三年劉愷傳則云永初六年代張敏爲司空元初二年代夏勤爲司徒安帝紀元初二年十二月庚戌司空劉愷爲司徒光祿勳袁敝爲司空與碑正合而傳作三年者蓋二年十二月爲壬午朔二十九日得庚戌是月小盡三年正月爲辛亥朔敝以歲除拜命其受事

實在三年傳固亦非誤也碑文末行存薨其辛酉葬
五字傳載敞自殺在四年而不著其月安帝紀則書
四年夏四月戊申司空袁敞薨五月丁丑太常李郃
爲司空考四年四月爲甲辰朔五日得戊申五月爲
癸酉朔五日得丁丑是敞薨逾月始以郃代傳載以
張俊得赦因薄敞罪而隱其死故逾月而始任李郃
鄧太后殆亦有所媿悔耶碑稱辛酉葬辛酉乃四月
十八日距戊申才十三日耳雖以三公禮葬又何速
耶此石出洛陽已再逾歲乙丑夏予始購致之私謂
此刻可寶者三敞爲漢名臣一也碑文才存七十字

而可資考證二也漢世篆書僅崇高二闕而風雨摧
剝筆法全晦而此碑字之完全者刻畫如新三也是
此碑不僅爲寒齋藏石第一亦宇內之奇蹟矣乙丑
五月十八日松翁書

碑中戌字作成增一筆以求茂美葬字上從竹薨字
作薨與洛陽近年所出甘陵相殘碑同皆不合六書
然古人作書多不經意固不如後世之嚴謹也松翁
又記

漢甘陵相尙書袁博碑

石高五尺二寸已分裂爲二不能知碑廣尺度

額篆書存八字

上
缺
口
睦
相
沿

川
君
出
礪

諱博字季膺司空公之少子也孝弟昭於內忠仁耀
於外聰設廣淵兼口七口墳典素正河雒運度詠三五
之藉歆周孔之冀常以易詩尙書授訓誨不倦口其食
弗食非其服弗服羣儒駿賢朋徒自遠有韓魏之家自
視歆然得士若口聞善若驚思純履勁經德不同學優
則仕歷郡席望再辟司隸公亮拜郎中口察孝廉平除
恙以病去司空辟遭公夫人憂服闋司空司隸竝舉賢

良方正口

此處碑分裂處
不知其缺幾行

去官辟大將軍府復登憲台

遷兗州刺史疾讒言

比周愠頻二之黨力唐冀之口道

於是搯繩墨以彈邪柱援規矩以分方貪饕餘改節冠
暴不作封畿震駭每懷禹稷恤民飢溺之思不忘百姓
之病也徵爲尙書肅恭國命傳納以言轉拜僕射令三
辰明王衡平休徵集皇道著拜鉅鹿太守施舍癘置莫
非瘡宜刑政不濫絀培克采雋桀猶仲尼之相魯悼公
之入晉斟酌仁義下不失望此以屢獲豐稔之應田疇
有讓畔之萌商旅有不爭之民換甘陵

以後石勒不
知其缺幾行

漢甘陵相袁博碑近出洛陽有土人發一元魏宗

室墓視其墓門隱有字蹟洗視卽此石也已分裂爲
二一石存五行一石存六行其十一行中有碑穿
漢石穿多居中則全碑文應有十六行所缺亦無
幾

漢延年石室題字

石高二尺九寸廣一尺一寸

陽嘉四年

三月造作

延奉石室

此石於光緒二十四年四月有人在四川郫縣相近處勘相煤礦迷途入一山中林木森茂不通人徑見高處有一山洞進內探視有一小石室此石刻卽在其室中因攜歸至京師贈宗室緒齋貝子溥倫延年石室者當是漢時道家修養之地簡州有會仙友題字亦是道流所作與此刻正相同也

漢孔廟殘碑

石高一尺六寸廣一尺五分

永壽三年歲位丁酉季春之月厥日

下泐

承撫撥施石碑破缺禮器蕝敗興造

咨嘆先聖五帝三皇老子名聃前世

孔氏師之受業道元素王孔聖厥字

制作春秋序萬世機維維濟濟育

眇選童生七十二人顏淵好學冠

行配日月德壘先原曾參至何

震霆行孝堯叟位玠仲尼軍

脩德立義百行之端崇

噴曰